



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1513272

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

05 օգոստոսի 2021թ.

ք. Երևան

(կազմման վայրը)

Ակտի հասցեագրեր

«ՄԱՅԵՌ ՊԼԱՍ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	5	0	2	2	1	4	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Ք. Երևան, Դավիթ-Քելի 140

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 07.07.2021թ-ի թիվ 1513272 որոշման համաձայն «Մայեռ Պլաստ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 16.07.2021թ-ին ժամը 10:00-ի սահմաններում, ք. Երևան Դավիթ-Քելի 140 հասցեում գտնվող ընկերության արտադրամասից դուրս է եկել ընկերության վարորդ Արտակ Փայտյանի կողմից շահագործվող «Մերսեդես» մակնիշի 126 AL 61 հաշվառման համարանիշի ավտոմեքենան և ուղևորվելով ք. Երևան, Հարավ Արևմտյան թաղամաս ժամը 11:00-ի դրությամբ կայանել է Ա. Բաբաջանյան 169 հասցեում գործող «Էկոմիքս» ՍՊԸ-ի պատկանող խանութի մոտակայքում և սկսել է բեռնաթափվել: ՕՀՄ-ի ընթացքում Արտակ Փայտյանը ՀՀ ՊԵԿ ՀՕՀՎ աշխատակիցներին է տրամադրել ընկերության ՀԾ համակարգով տպված ներքին օգտագործման թիվ 96810 հաշիվը 16.07.2021թ-ի: ՕՀՄ-ի ընթացքում պարզվել է նաև, որ ընկերության կողմից նշված մեքենայով իրականացվել է՝ ընդամենը 205.520 ՀՀ դրամ արժեքով, 7 անվանմամբ կոյողու խողովակների տեղափոխումը և մատակարարում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 205.520 ՀՀ դրամ արժողությամբ ապրանքների տեղափոխման և մատակարարման համար հարկ վճարողի կողմից 16.07.2021թ-ին ժամը 12:30-ի դրությամբ դուրս գրված չի եղել համապատասխան ուղեկցող փաստաթուղթ:

Նշված մատակարարման համար 16.07.2021թ-ին ժամը 16:50-ին դուրս է գրվել Ա3604732440 հարկային հաշիվը:

Վերոգրյալը հաստատվել է նաև ընկերության վարորդ Արտակ Փայտյանի կողմից 16.07.2021թ-ին տրված գրավոր հայտարարությամբ:

Թիվ 1513272 արձանագրությամբ 16.07.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 05.08.2021թ-ին նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Մայեռ Պլաստ» ՍՊԸ-ի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 30.12.2020թ. թիվ 1510775 վարչական ակտ): Ապրանքների ընդհանուր գումարը կազմում է 205.520 ՀՀ դրամ, որի 100 տոկոսը կազմում է 205.520 ՀՀ դրամ, ուստի օրենսդրական պահանջից ելնելով «Մայեռ Պլաստ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով

Որոշեցի

1. Հաշվարկել և «Մայեռ Պլաստ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունելի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



[Handwritten signature]

Ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Գևորգ Ղալաչյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանադրու անձ՝ հարուկ առաքման դեպքում)

Ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)